

ՊԱՏՄԱԾԱՐՏԱՐԱՊԵՏԱԿԱՆ ՑՈՒԾԱՐՁԱՆԵՐԻ ՊԱՀՊԱՆՄԱՆ ԵԽ ՎԵՐԱԿԱՆԳՆՄԱՆ ԳՈՐԾԸՆԹԱՑԸ ԼԵՇՆԱՅԻՆ ՂԱՐԱԲԱՂՈՒՄ

Լեռնային Ղարաբաղում պատմաճարտարապետական յուշարձանների պահպանման եւ վերականգնման գործընթացի ներկայացումը կ'ուզէինք սկսել այդ համալիրների վիճակի մասին խօսակցութեամբ։ Հայոց ցեղասպանութեան մասին մտորելիս ակամայ մտարերում ենք միայն աւելի քան մէկուկէս միլիոնի հասնող անմեղ հայերի անմարդկային բնաջնջումը տարատեսակ եղանակներով։ Մինչդեռ կորուստներ են կրել նաեւ ճարտարապետական յուշարձանները։ Այդ կորուստն ամբողջութեամբ համապատասխանում է միջազգային ատեանների ընդունած մշակութային ցեղասպանութիւն եզրոյթի չափորոշիչներին¹։

Մշակութային այդ եղեռնը տեղի էր ունենում ոչ միայն բռնագրաւուած մեր պատմական հայրենիքի ամբողջ տարածքում, այլև՝ Խորհրդային Ադրբէջանում։ Այս առումով Հայաստանի յարակից երկրների թուում առանձնանում է միայն իրանը, որտեղ հայկական յուշարձանները պահպանուել են եւ նոյնիսկ վերանորոգուել։ Ադրբէջանական իշխանութիւնների վարած քաղաքականութիւնը քրիստոնէական հայ ճարտարապետական յուշարձանների հանդէպ հիմնականում ունեցել է մի քանի ուղղութիւն՝ դրանց մասին պաշտօնական հրատարակութիւններում լրութեան պահպանում, էթնոմշակութային եւ կրօնական պատկանելութեան խեղաթիւում, յուշարձանների կանխամտածուած աւերում եւ այլափոխում, յուշարձանների նկատմամբ զանազան բարբարոսական գործողութիւնների իրականացում (պայթեցումներ բնակավայրերի տարածքներում), շինութիւնների աւերում, հրկիզում եւ որպէս շինաքարի օգտագործում, եկեղեցիների վերածում գոմերի, պահեստների եւ այլ նշանակութեան շինու-

1 CHARNY, I. W., *Classification of Genocide in Multiple Categories, Encyclopedia of Genocide*, Israel W. Charny editor in chief, v. 1, Santa Barbara, California, 1999, 9.

թիւնների, հայկական եկեղեցիները՝ մահմեղական կառուցների վերափոխում, հայկական շատ յուշարձանների քօղարկում՝ հողով ծածկելու միջոցով, այցելութիւնների եւ ուսումնասիրութիւնների արգելում, վերականգնման եւ պահպանութեան քօղի ներքոյ յուշարձանների ծաւալատարածական յօրինուածքի, կերպարի եւ ինքնութեան ճարտարապետական այլափոխում:

Այս ամէնը հետապնդում էր մի նպատակ՝ Լեռնային Ղարաբաղի տարածքում վերացնել հայկականութեան հետքերը, որպէսզի հայ ժողովրդի արցախեան հատուածը վերագրուի ադրբեջանցիների կարծեցեալ հայրենիքը հանդիսացող Աղուանքին եւ հիմնաւորուի այստեղ կերտուած նիւթական ու մշակոյթային յուշարձաններն աղուանական (ադրբեջանական) համարելու հնարածին վարկածը:

Ադրբեջանական ԽՍՀ տարածքում հայկական մշակութային յուշարձանները բացարձակ մեծամասնութիւն էին կազմում՝ շուրջ 11 հազար, ընդ որում՝ դրանց թիւը միայն Ղարաբաղում հասնում էր 1700ի²: Սակայն պաշտօնական փաստաթղթերում արձանագրում էր բոլորովին այլ պատկեր: Պետական պահպանութեան ներքոյ գտնուող 591 յուշարձաններից միայն քսան-հինգն էր հայկական, որոնցից ընդամէնը եօթը՝ Լեռնային Ղարաբաղի տարածքում: 1968 Ապրիլի 2ի թիւ 140 եւ 1988 Ապրիլի 27ի թիւ 145 որոշումներում հաստատուած են Ադրբեջանի տարածքում գտնուող՝ պետութեան կողմից ընդունուած յուշարձանները, որոնց թիւում բացակայում է նոյնիսկ Գանձասարի վանական համալիրը³:

Պայմթուցիկ նիւթեր են օգտագործուել Մեծ Թաղլարի՝ եւ Ազուիկ քարանձաւներում, Ամարասի եւ Կաղանկատոյքի բնակավայրերի տարածքներում: Փորումներ են կատարուել Գրիգորիսի դամբարանում (Ամարասի վանքում), երկրաբանական հետազոտութիւններ կատարելու պատրուակով հորանցքներ են փորուել Դադիվանքի յուշարձանների տակ... ԺԲ. եւ ԺԳ. դարերի երկու կամուրջ, ԺԳ.-ԺԸ. դարերի 3 մատուռ, շուրջ 70 խաչքար, դամբարաններ՝ առանց օրէնքի արձանագրելու զոհ են դարձել Սարսանդի ջրամբարի կառուցմանը՝ քարերն օգտագործելով պա-

2 ԿԱՐՍՊԵՏԵԱՆ, Ա. Հայ մշակոյթի յուշարձանները Խորհրդային Ադրբեջանին բոնակցուած շրջաններում, Երևան 1999, 7:

3 Անդ:

տուարի մէջ կամ թողնելով ջրամբարի յատակում⁴: Հայկական վանքերի ու եկեղեցիների սրբատաշ քարերն օգտագործուել են նաեւ գիւղերում տներ եւ այլ շինութիւններ կառուցելու ժամանակ: 1950ականներին քանդուած Գետամիջոյ Սբ. Աստուածածին վանքի շուրջը գոյացել էր Վանք գիւղը: Վանքի քարերն օգտագործուել են այդ գիւղի տների, նոյնիսկ գոմերի պատերի կառուցման համար: Վանքի շատ քարեր հանդիպում են վերոնշեալ թուականներին Զրադ (որ Ճրագի աղաւաղուած տարբերակն է) գիւղի դպրոցի պատերի շարուածքում⁵:

Յուշարձանի ոչնչացման եւ քարելը որպէս շինաքար օգտագործելու օրինակ է նաեւ Տաք ջուր (Իստիսու) առողջարանի շրջակայքի՝ հայկական միջնադարեան եկեղեցիների քարերով կառուցուած կառավարական առողջարանը⁶:

Աղբեկջանցիների կողմից յուշարձանների ինքնութեան ոչնչացման քաղաքականութիւն էր նաեւ նորոգման կազմակերպումը, որի աշխատանքների զոհ է դարձել Գանձակ քաղաքի Սբ. Սարգիս եկեղեցին, որ երեսապատուել է աղիւսով՝ կորցնելով հայկական ճարտարապետական ոճը եւ օգտագործուել որպէս ժողովուրդների բարեկամութեան պալատ⁷: Այլափոխուել է նաեւ Վանքասարի է. դարի եկեղեցու ծաւալը:

Յուշարձանների աւերումը մեծ չափերի է հասել արցախեան պատերազմի ժամանակ, երբ օգտուելով ընձեռուած առիթից՝ եկեղեցիներն ու վանքերը կանխամտածուած պայթեցուել են, հրետանակոծուել ու բրակոծուել: Արդիւնքում Գետաշէնի մօտ գտնուող Եղնասարի կանգուն վանքը վերածուել է աւերակների: Գնդակոծուել են Գանձասարի, Ամարասի, Դադիվանքի տաճարները, Տող գիւղի եկեղեցին եւ այլ յուշարձաններ: Շուշիի Սբ. Ամենափրկիչ Ղազանչեցոց եկեղեցին այդ տարիներին երեք անգամ հրկիզուել է:

4 ՅԱՐՈՒԹԻՒՆԵԱՆ, Վ., անդ, 110-119:

5 ԿԱՐԱՊԵՏԵԱՆ, Ա., անդ, 69:

6 ՄԿՐՏՉԵԱՆ, Շ., Լեռմայիմ Ղարաբաղ, Աղբեկջանի իրականացրած ցեղասպանութեան անտումիան, Ստեփանակերտ 2003, 207:

7 ԿԱՐԱՊԵՏԵԱՆ, Ա., Հայկական յուշարձամմերի վիճակը Հայաստանի հարեւան երկրներում, ի վասն հայութեան, շաբաթակրթ, 2002, 23 Ապրիլ, 11:



Նկար 1. Շուշիի Սր. Ամենափրկիչ եկեղեցին՝ ազատագրումից (1) և վերականգնումից (2) յևսոյ:

1991 Շուշիի Մեղրեցոց եկեղեցին վերածուել էր ամառային կինօթատրոնի, Կանաչ ժամը՝ հանքային ջրերի սրահի, որի հետեւանքով եկեղեցու կառոյցը վտանգուել է⁸: 1990 Մայիսի 20ի համարում «Սովետական Ղարաբաղ» թերթը գրում էր. «Ադրբեյջանական զինուած բանդայական ձևաւորումները չեն դադարեցնում գազանութիւնները Ամարասի հովտում: Այստեղ տեղափոխուած տնտեսական կառոյցները աւերելուց եւ թալանելուց յևսոյ Մայիսի 18-19ին նրանց գազանութիւնների օրյեկտը դարձաւ Ամարասի վանքը: Իրենց հետ բերելով աւերման անհրաժեշտ ողջ տեխնիկան, յանցագործները շարդեցին վանքի դռները եւ պատուհանները, գողացան կահոյքը, յափշտակեցին վանքի գանձարանը»:

Ազատագրուած տարածքներում եւ մասնաւորապէս Քարվաճառում, Մարտակերտում եւ Ասկերանում հետախուզական շրջայցերի եւ հնագիտական պեղումների ընթացքում մենք եւս հանդիպել ենք այլեւայլ եղանակներով յուշարձանների ոչնչացման դէպքերի: Մար պատմական բնակավայրում, որ Խորհրդային Ադրբեյջանի կազմում յայտնի էր հնչիւնափոխուած Զառ ձեւով, 1950ականներին կառուցուել են մի քանի բնակելի տներ եւ գիւղի դպրոցը, որի պատերում որպէս շինաքար օգտագործուել են նաեւ արձանագրակիր քարերի, խաչքարերի, տապանաքարերի բեկորները:

8 ՄԵԼԻՔ-ՇԱՀՆԱԶԱՐԵԱՆ, Լ., Ադրբեյջանի ոազմական յանցագործութիւնները Լեռնային Ղարաբաղի Հանրապետութեան խաղաղ բնակչութեան թիւմամբ, Երեւան 1998, 149-150:



Նկար 2. Ծար. Խորհրդային շրջանում կառուցուած դպրոցի պատերի մէջ որպէս շինաժար օգտագործուած ջարդուուած խաչքարերի և արձանագրակիր քարերի բնկորներ:

Արցախի Վերին Խաչն գաւառում գտնուող Զարեքտարի վանքի (այժմ՝ **ԼՂՀ Մարտակերտի շրջան, գիւղ Զարեքտար**) կառուցները ձեւափոխել էին եւ տասնամեակներ չարունակ օգտագործել որպէս անասնագոմ: **Այստեղ** եւս պեղումներ եւ հետազոտական աշխատանքներ են իրականացուել եւ վանքն այսօր ներկայանում է որպէս երեք եկեղեցի, գաւիթ, եւ սրան հարաւային կողմից կցուած կից սրահով եւ զոյգ աշտարակներով ամրացուած պարսպապատ մի քայլքայուած համալիր :



Նկար 3. Զարեքտարի վանքի ընդհանուր տեսքը (1) և գոմի վերածուած և կեղեցու ներքին տեսքն (2) աղբքեչանական օգտագործման ժամանակ:

9 ԱՅՎ.ԱԵԱՆ Ս.- ՍՍ.ՐԳՄԵԱՆ Գ., Զարեքտարի վանքան համալիրի պեղումների եւ հետազոտութիւնների արդիւմբները, ի Վարճ, 2011, թիւ 4, Մայիս-Հոկտեմբեր, 48-58:

ի պատասխան հակագիտական այլ տեսակէտների՝ հայ գիտնականները աղբբեջանական պատմագիտութեան կեղծարարութեան վերլուծութեան հիման վրայ փորձել են վեր հանել Արցախի մշակոյթի քննութեան տեսական ու քաղաքական հիմքերը, բացայայտել Ղարաբաղում թուրքական հժնոսի բնիկ լինելու եւ հայերի եկուորութեան մասին աղբբեջանցի պատմաբանների առաջադրած հայեցակարգի սնանկութիւնը, հետեւաբար՝ արցախահայութեան մշակութային, մասնաւորապէս ճարտարապետական ժառանգութեան իւրացման փորձերի կատարելապէս հիմնազուրկ լինելը¹⁰: Առանձնացուել է «Արցախի նարտարապետական դպրոց» հասկացութիւնը, որն առաջին անգամ գիտական շրջանառութեան մէջ է դրել Պառլոյ Կունչոն¹¹, իսկ Արցախի յուշարձանների ուսումնասիրութեան նախակարապետը Ա. Եայուշարձանների՝ Գանձասարի վանքին նույրուած հանգամանալից ուսումնասիրութեամբ¹²: Յետագյուրմ արդէն Շ. Մկրտչեանը, Մ. Հասրաթեանը, Ս. Կարապետեանը, Ա. Ղուլեանը, Վ. Յարութիւնեանը, Զ. Պետրոսեանը, Լ. Կիրակոսեանը, Ժ. Թիերին, Պ. Տօնապետեանը¹³ եւ այլք իրենց աշխատութիւններում բացայայտել են ոչ միայն Արցախի ճարտարապետութեան ամբողջ հարստութիւնը, առանձնայատկութիւնները՝ որպէս միջնադարեան հայ ճարտարապետութեան առանձին դպրոց, այլեւ ճարտարապետական յուշարձանների բարձիթողի, աւերուած, խաթարուած վիճակը:

-
- 10 САФАРЯН, В., *К вопросу о методике присвоения историки и культуры Арцаха в современной азербайджанской историографии*, Լեռնային Ղարաբաղի Հանրապետութեամբ անցեալ, Յերկան ու ապագան: Միջազգային գիտաժողով, Երևան 2007, 206:
- 11 CUNEO, P., *Le scuole regionali nell'architettura Armena, Atti del Primo Simposio Internazionale di Arte Armena-1975*, Venezia 1978, 9.
- 12 ЯКОБСОН, А., *Гандзасарский монастырь, Исследования по истории культуры народов Востока*, (Сборник в честь академика И.О. Орбели), М.-Л. 1960, 145-158.
- 13 ՄԿՐՏՉԵԱՆ, Շ., Լեռնային Ղարաբաղի պատմաճարտարապետական յուշարձանները, Երևան 1985: ՀԱՄՐԱԹԵԱՆ, Մ., Հայկական ճարտարապետութեամբ Արցախի դպրոցը, Երևան 1992: ՂՈՒԼԵԱՆ, Ա., Արցախի եւ տուրքեամբ Արցախի մասնակիութեամբ, Երևան 2001: ՅԱՐՈՒԹԻՒՆԵԱՆ, Մինիքի մելիքական ապարանիները, Երևան 2003: TIERRY, J. M.-Վ., Դարը մեր մէջ, մեմբ՝ դարի, Երևան 2003: DONABEDIAN, P., *Les arts arméniens*, Paris 1987.

Նախքան արցախեան շարժումը հայագիտութեան նուիրեալները բնականաբար, զրկուած էին Լեռնային Ղարաբաղում համապարփակ հետազօտութիւններ իրականացնելու հնարաւորութիւնից: Այսօր արդէն ազատագրուած տարածքներում Արցախի հին եւ միջնադարեան մշակոյթի ուսումնասիրութեան, պահպանութեան եւ վերականգնման համար բարենպաստ պայմաններ են ստեղծուել:

Այդ աշխատանքներն սկսուել են, կարելի է ասել, եթէ ոչ ուղմական գործողութիւններին զուգահեռ, ապա տարածքների ազատագրումից անմիջապէս յետոյ:

Արցախի հնագիտական արշաւախմբի¹⁴ տասնամեայ հնագիտական պեղումների եւ աշխատանքի արդիւնքում յայտնաբերուել, յաւուր պատշաճի ներկայացուել ու պահպանութեան տակ են վերցուել են մի շարք յուշարձաններ (Արցախի Տիգրանակերտ, Հանդաբերդի վանական համալիր, Վանքասարի վաղքրիստոնէական եկեղեցի): Դա առաջին հերթին Արցախի Տիգրանակերտ քաղաքն է: Այստեղ՝ քանի որ պեղումները շարունակում են, իրականացում են լանդշաֆտի պահպանման, տարածքի բարեկարգման եւ յուշարձանների պահպանմանը նպաստող միջոցառումներ՝ պահպանութեան գոտիների, ջրահեռացման համակարգերի ստեղծում, մասնակի ամրակայումներ եւ այլն: Մահմանուել են Արցախի Տիգրանակերտի պահպանութեան գոտիները: Պատմական միջավայրի պահպանական համակարգը ներառում է քաղաքի պահպանութեան, կառուցապատման կարգաւորման, հնագիտական եւ լանդշաֆտի պահպանման գոտիները:

Քաղաքի պահպանութեան գոտին նրա ողջ շուրջ 70 հա ընդգրկող տարածքն է: Այստեղ են գտնուում Տիգրանակերտի ամրացուած թաղամասը միջնաբերդի հետ միասին, կենտրոնական եւ անտիկ թաղամասերը, վաղքրիստոնէական դամբարանադաշտերը, ինչպէս նաև ժամանակակից մասնակի ամրակայումներ եւ այլն: Մահմանուել են Արցախի Տիգրանակերտի պահպանութեան գոտիները: Պատմական միջավայրի պահպանական համակարգը ներառում է քաղաքի պահպանութեան, կառուցապատման կարգաւորման, հնագիտական եւ լանդշաֆտի պահպանման գոտիները:

14 Արշաւախումբը ղեկավարում է պ.գ.դ. Հ. Պետրոսեանը, մասնակցում են հնագիտներ՝ Վ. Սաֆարեանը, Ի. Կարապետեանը, Տ.' Վարդանեսովան, Ա. Ժամկոչեանը, արշաւախմբի նախագահը և այլ պահպանութեան աշխատակիցները:

կմ ձգուող հատուածն է: Արեւմուտքում այդ սահմանը վանքասարի համեմատաբար ցածր բարձունքներից մէկի աւարտն է՝ խանդակից 30 մ վերև: Հարաւային կողմում սահմանը վանքասարին հանդիպակաց բարձունքն է, իսկ հիւսիսում՝ մինչեւ սարին յարող ձորակի մերձակայ տարածքը: Այս գօտին ունի առաւել խիստ հսկողութեան համակարգ: Այն կոչուած է յուշարձանախումբը զերծ պահել ֆիզիկական վնասակար ազդեցութիւններից եւ ամրապնդել նրա յօրինուածքային եւ տեսողական նպաստաւոր կապերը շրջապատող միջավայրի հետ: Պահպանութեան գօտու մէջ են վերցուած նաեւ վանքասարի վաղքրիստոնէական խաչաձեւ կենտրոնագմբէթ եկեղեցին՝ իրեն յարող հարթակով հանդերձ, ինչպէս նաեւ քարայրային պաշտամունքային համալիրը, անտիկ դամբարանադաշտը:

Տիգրանակերտի պահպանութեան գօտում

ա. պահպանում է պատմական յատակագիծը, միջավայրն ու համայնապատկերը,

բ. արգելում է յուշարձաններին անմիջապէս չվերաբերող կրպակների եւ գովազդային վահանակների տեղադրումը,

գ. չի թոյլատրում յուշարձանների եւ հնավայրի պահպանութեան հետ չառնչուող աշխատանքների կատարում, այդ թւում՝ գիւղատնտեսական:

Տիգրանակերտի պահպանութեան գօտում, հնավայրի պեղումներն իրականացող՝ Արցախի հնագիտական արշաւախմբի եւ պատմութեան ու մշակոյթի յուշարձանների պահպանութեան պետական մարմինների համաձայնութեամբ իրականացուել են մի շարք միջոցառումներ:

- ԺԼ. դարի ամրոցը վերանորոգուել է եւ շահագործում է որպէս Տիգրանակերտի հնագիտական թանգարան,
- բարեկարգուել է թանգարանի տարածքը, արտաքին լուսաւորութիւնը նպաստում է յուշարձանի առաւել շահեկան ընկալմանը,
- ապամոնտաժուել են պատմական միջավայրին անյարիր շինութիւնները (մասնաւորապէս թանգարանին յարող տարածքում գտնուող խառնաշփոթ հիւղակները եւ ժամանակաւոր կաւոր կացարանները):

Տիգրանակերտի կառուցապատման կարգաւորման գօտին քաղաքի պահպանութեան գօտուն յարող տարածքն է, որտեղ սահ-

մանւում են շինարարական տարբեր կանոնակարգեր, որոնցում նշվում են շինարարութեան հետեւեալ պայմանները՝

ա. պահպանել հին յատակագիծը, համայնապատկերի արժէքաւոր տարրերը, բարելաւել քաղաքի տեսողական ընկալման հնարաւորութիւնները, վերացնել պատմական միջավայրին չներդաշնակող ու յուշարձանի վրայ բացասաբար ներգործող կառույցները:

բ. կառուցապատման կարգաւորման գօտում նոր շինարարութիւն կարող է իրականացուել վերոնշեալ մարմինների անմիջական վերահսկողութեան եւ թոյլատուութեան պայմաններում։ Այդ կառուցապատումն իրականանալի է եթէ չի հակազդում քաղաքի պատմական կերպարին եւ մշակութային, բարեկարգման եւ կանաչապատման բնոյթի է։

Քաղաքի հնագիտական գօտին հնարաւոր է եղել սահմանել Արցախի հնագիտական արշաւախմբի կողմից կատարուած հետազոտութիւնների տուեալների հիման վրայ։ Այն իր մէջ ներառում է դամբարանադաշտը, որ ընդգրկում է Ստեփանակերտ Մարտակերտ ճանապարհի աջ կողմում տարածուող՝ Տիգրանակերտին հանդիպակաց հատուածը, ինչպէս նաեւ դեռ չպեղուած մշակութային շերտերով տարածքները։ Այս գօտին նաեւ պահպանութեան գօտի է, որտեղ ցանկացած շինարարական աշխատանքներ սկսելուց առաջ պէտք է կատարուեն հնագիտական հետազոտութիւններ։ Անգամ հողային աշխատանքները պէտք է կատարուեն պահպանութիւնն ապահովող լիազօրուած մարմինների եւ պարտադիր կերպով պեղող հնագէտների հսկողութեան ներքոյ։


Տիգրանակերտի լանդշաֆտի պահպանման գօտին կոչուած է ապահովել բնական ռելիեֆի, քաղաքի մատոյցներում՝ լեռան տակից բխող աղբիւրների եւ աւագանների պահպանութիւնը, վերականգնել բնակավայրի համայնապատկերի պատմական տեսքը, ինչպէս նաեւ այն տարածքների պահպանութիւնը, որոնք ազդում են քաղաքային լանդշաֆտի վիճակի վրայ։ Համայնապատկերի պահպանութեան համար պէտք է՝

ա. վերացուեն պատմական լանդշաֆտն աղաւաղող շինութիւնները (ի մասնաւորի արցախեան պատերազմում աւերակների վերածուած՝ խորհրդային ըրջանում կառուցուած չէնքերը),

բ. թոյլատուեն այնպիսի կառուցապատումներ, որոնք չեն խաթարում լանդշաֆտը։ Անթոյլատրելի են այնպիսի կառուցումները, որոնք անյարիր են ինչպէս ձեռակերտ, այնպէս էլ

անձեռակերտ պատմական միջավայրին եւ խախտում են բնական մասշտաբը:


գ. պահպանութիւն բուսականութիւնը (նույնիները, թփենիները), որոք ընողոք, է Տիգրանակերտին,



Նկար 4. Արցախի Տիգրանակերտի տեղահանոյքը՝
բազուած ճարտարապետական համակրների Յշումով

Ջրահեռացման համակարգ է ստեղծուել Արցախի Տիգրա-նակերտի կենտրոնական թաղամասում բացուած վաղքը իսպոնիա-կան եկեղեցում։ Պեղումներից յիտոյ եկեղեցին յայտնուել է 500

քառ. մ մակերես եւ 4,2 մ խորութիւն ունեցող փոստավկի մէջ, որն էլ իր հերթին դարձել է մակերեւոյթային ջրերի (յատկապէս անձրեւազրեղի) կուտակման աւազան: Իրականացուել են արտաքին եւ ներքին ջրահեռացման միջոցառումներ, որոնք մասսամբ կանխել են ջրերի կուտակումները եւ որոշակիորէն նպաստել եղեղեցու աւերակների պահպանմանը: Ներքին ջրահեռացմամբ համակարգը թոյլ է տալիս ջրերի հեռացումը խորանից եւ եկեղեցուն հարաւից կցուած սենեակից: Արտաքին ջրահեռացումը կատարում է 0,15 սմ շառաւղով կիսաշրջանաձեւ հատոյլթով խողովակների միջոցով, որոնց թեքութիւնները որոշուել են ռելիեֆին համապատասխան:



Նկար 5. Արցախի Տիգրանակերտի վաղքրիստոնեական եկեղեցին (1)
և արտաքին ջրահեռացման համակարգը (2)

Հանդաբերդի վանքում՝ իրականացուած պեղումները հնարաւորութիւն ստեղծեցին Արցախի միջնադարեան ճարտարապետական մշակոյթի ուսումնասիրութեան համար: Վանքը գտնուում է ԼՂՀ Նոր Շահումեանի շրջանում, որ ՓԲ.-ՓԴ. դարում մտնում էր Վերին Խաչենի կամ Ծարի իշխանութեան մէջ: Վանական համալիրն ամբողջովին բացուել է, որի պատմամշակութային հետազօտութիւնն արդէն ներկայացուած է առանձին գրքով: Բաւարար հիմքեր են ստեղծուել նաեւ յուշարձանախմբի վերականգնման համար: Ներկայացուած է յուշարձանախմբի վերականգնման հայեցակարգը՝ ելենով կառոյցների հիմնական մասի պահպանուածութեան աստիճանից (բացառութեամբ զանգակատան, որի երկրորդ յարկն աւերուած է, գաւիթ-ժամատան, որի ծածկը մասամբ է առկայ եւ գլխաւոր եկեղեցու, որի ծածկը չի պահպանուել) կատարել ամբողջական վերականգնում՝ հնարաւորիս նուազագոյն միջամտութեամբ: 1964 թուականին Վենետիկում հրաւիրուած վերականգնող ճարտարապետների եւ տեխնի-

կական մասնագէտների համաշխարհային երկրորդ համաժողովում, որ ստացաւ «Վենետիկեան խարտիայ» անուանումը, նոյնպէս վաւերացուեցին հնագիտական վերականգնման հիմնադրոյթները, որտեղ առաջին տեղում էր դրում ամրակայումը¹⁵: Դեռևս 2005-2006 թուականներին Հանդաբերդի վանքում իրականացուել են ամրակայման եւ մասնակի վերականգնման աշխատանքներ, որպէսզի կանխուեն յետագայ վիզումները¹⁶: Այդ աշխատանքների արդիւնքում լրացուել են հիւսիսային եւ հարաւային կցուած մատուռների պատերի բացակայող մասերը, թաղածածկերը, որմնասիւները: Տեղում պահպանուած փաստացի նիւթերի հիման վրայ կատարուել է որոշ հատուածների մասնակի վերականգնում: Վերականգնուել են մատուռների արեւելեան պատուհանները: Հիւսիսային մատուռի պատուհանի պսակի քարը, որ գտնուել էր պեղումների ժամանակ, դրուել է իր տեղը: Երկու մատուռների ներսում էլ վերականգնուել են զոյգ յօրինուածքով որմնակամարները, որոնց վրայ էլ նստել է թաղածածկը: Վերականգնուել է հիւսիսային մատուռի մուտքի կամարը:

Ամրակայման աշխատանքներ են կատարուել նաեւ ժամատանը: Ներսում՝ հիւսիսարեւելեան անկեան ներքեւի՝ խարիլուած մասը քանդուել եւ վերաշարուել է, լրացուել է պատի մէջ բացուած անցքը: Քանդուել եւ նորից կառուցուել է նոյն անկեան վերեւում որմնակամարի ձեւափոխուած եւ չաղախից անջատուած հատուածը: Այս անկիւնը վերականգնուել է նաեւ դրսից: Ժամատան թաղի պահպանուած հատուածը ամրացնելու եւ պահպանելու համար թաղի տակ տեղադրուել են ժամանակաւոր փայտեայ յենակներ: Այս միջոցառումը հրատապ էր, որովհետեւ ծածկի մէծ մասի կործանուած լինելու պատճառով կորել էր թաղի կոնստրուկտիւ ամբողջականութիւնը եւ այն ցանկացած պահի կարող էր քանդուել: Ծածկի կործանմանը նպաստող պատճառներից մէկն էլ կարող էր լինել դրա ներքին եւ արտաքին յօրինուածքների անհամապատասխանութիւնը, որի հետևանքով թաղի վրայ առաջացել էին կրաշաղախի աւելորդ զանգուածներ:

15 ՅԱՐՈՒԹԻՒՆԵԱՆ, Վ. - ՆԱԲԱՆԵԱՆ, Գ. - ԳՐԻԳՈՐԵԱՆ, Ա., անդ, 57:

16 Մասնակի վերականգնման նախագիծը մշակել են Լիւրայ Կիրակոսեանը և Սամուել Այվազեանը: Աշխատանքներն իրականացրել են Յարտարակու Սամուել Այվազեանն ու աշխատիկ Վոլոդեա Յարութիւնեանը:

Զանգակատան համար առաջարկում է նաեւ վերակառուցում եւ վերաստեղծում¹⁷:



Նկար 6. Հանդարերդի վանքի շինութիւնների հիմնական խումբը պեղումներից յևոյ
(1) մասնակի ամրակայումը (2) և վերակազմութեան նախագիծը (3),
(նախագիծը՝ Լ. Կիրակոսեանի):

**Վանքասարի՝ է. դարի եկեղեցին, որ գտնում է Լեռնային
Ղարաբաղի Հանրապետութեան Մարտակերտի շրջանում, Ստե-**

17 ԿիրԱԿՈՍԵԱՆ, Լ., Հանդարերդի վանքի վերականգնման հայցակարգը,
ի Հայագիտական համդէս, թիւ 1, Ստեփանակերն 2010, 127:

փանակերտից Մարտակերտ տանող մայրուղու ձախ կողմում, Վանքասար կոչուող ամենաբարձր գագաթի վրայ, թէեւ կանգուն է մնացել, բայց կորցրել է իր դիմագիծը՝ ճարտարապետական ոճը, պատկանելութիւնը: Սա արդիւնքն է 80ականներին իրականացուած աղբբեջանական «վերականգնման», որ խաթարել է եկեղեցու ծաւալատարածական յօրինուածքն ու համաշափական համակարգը եւ աղճատել նրա նախնական կերպարը: Այսպիսի ձեւով վերականգնուածը ոչ թէ չիմացութեան, այլ դիտաւորութեան արդիւնք է: Քաղաքական նպատակներ հետապնդող աղբբեջանական «հեռաւուս ձեռնարկը» լուրջ բարդութիւններ է յարուցել յուշարձանի նախնական տեսքի վերականգնման համար:

Սակայն փաստական կոռւանների, համեմատական վերլուծութեան (մասնաւորապէս՝ Քարաշամբի, Այլաբերի, Թալինի Սբ. Աստուածածին եռախորան եկեղեցիների օրինակով) եւ տարածաշրջանի վաղ միջնադարեան հարուստ մշակութային շերտի ու ճարտարապետական համալիրների համազրութեամբ նախնական յատակագիծի վրայ կարելի է այն վերակառուցել եւ մեր կողմից առաջարկուած է նրա վերակազմութեան առաջարկը¹⁸:

Վանքասարի եկեղեցին տուժել էր նաեւ արցախեան պատերազմից: Արեւմտեան ճակատում բարաւորից վերեւ, արկը բաւական մեծ խոռոչ է բացել, որ սպառնում էր պատի կայունութեանը: 2011ի աշնանը այստեղ իրականացրուել են մաքրման, ամրակայման եւ բարեկարգման աշխատանքներ: Մասնակի ամրակայման աշխատանքներն աւարտուել են 2012ի Յունուարին եւ եկեղեցու գմբէթին տեղադրուել է խաչը: Վերաշարուել է արեւմտեան ճակատի քանդուած մասը: Բացուածքներում տեղադրուել են մետաղական դռներ, ներսում կառուցուել է բեմը: Կարծում ենք, սակայն, որ այսպիսի աղաւաղուած ծաւալի վրայ յաւելումներ անելն աւելորդ միջոցառում էր:

Առաւել եւս կատարուած նորոգումները գերծ չեն սխալներից (արեւելեան խորանում անմասչտաբ եւ անհամաչափ բեմի կառուցում, մուտքերում մետաղական դռների տեղադրում, ար-

18 ԿԻՐԱԿՈՍԵՍԱՆ, Լ., Վանքասարի եկեղեցու նարտարապետութիւնը եւ աղբբեջանական «վերականգնումը», ՊԲՀ, 2013, թիւ 1, 120-133:

կից վնասուած արեւմտեան ճակատի խոռոչի վերաշարում՝ միջ-նադարեան շարուածքին անյարիր եղանակով:




Նկար 7. Վանքասարի եկեղեցին աղբբեզանական «վերանորոգման» ընթացքում (1), վերանորոգումից յետոյ (2) (լուսանկարը՝ Հ. Բագէի) և վերակազմութիւնը (3) (լ., կիրակոսեան):



Նկար 8. Վանձասարի վաղբյուսական եկեղեցին՝
2011-2012 նորոգումներից յևսոյ:

Ցաւով պէտք է նշենք, որ այլ տեղերում նոյնպէս հանդիպում ենք անթոյլատրելի դրսեւորումների. սկսուել է երեսապատռել Գանձասարի վանքի պարիսպը։ Հասարակական դժգոհութիւններն ու մասնագիտական միջամտութիւնը, բարեբախտաբար, կասեցրել են այդ գործընթացը։



Նկար 9. Գանձասարի վանքի պարսպից մի հատուած՝
երեսապատման գործընթացի դադարեցման իրավիճակում։

Ասկերանի շրջանի Աւետարանոց (Չանաղչի) գիւղում՝ Արցախեան ազատամարտում նահատակուած քաջորդիների յիշատակին նույիրուած յուշակոթողը կանգնեցւում է վանքի միջնադարեան պարսպի վրայ՝ խաթարելով՝ մշակութային լանդշաֆտը։

Մասնակի հնագիտական պեղումներ են կատարուել եւ իրականցւում են ծաւալուն վերականգնումներ Դադիվանքում։ Դադի կամ Խութավանքը գտնուում է Լեռնային Ղարաբաղի Հանրապետութեան Մարտակերտի շրջանում։ Ներկայացուել է ընդարձակ համալիրի ամբողջական վերականգնման նախագիծը¹⁹։ Վերականգնումներ են իրականացուել եւ շարունակում են ընթանալ վանքի ինչպէս պաշտամունքային, այնպէս էլ աշխարհիկ յուշարձանախմբերում։ Վերականգնուել են բոլոր եկեղեցիները՝ Արզու Խաթունի Կաթողիկէ, Գմբէթաւոր երկրորդ, Բագիլիկ եկեղեցիները, զանգակատունը, գաւիթ-ժամատունը, հիւրատունը։



Նկար 10. Դադիվանքի վանական համալիրը վերականգնումից առաջ(1) եւ յետոյ(2):


Հնագիտորէն ամբողջովին հետազօտուել եւ վերականգնման է ենթարկուել Ծիծեռնավանքի համալիրը²⁰։ Վանքը գտնուում է Լեռնային Ղարաբաղի Քաշաթաղի շրջանում Աղաւնոյ գետի աջ ափին՝ Ծիծեռնավանք գիւղի մօտ։ Համալիրը հիմնովին վերականգնուել է Արցախի ազատագրումից յետոյ։ Բարեկարգուել է տարածքը, վերանորոգուել է վաղքրիստոնէական բազիլիկ եկեղեցին։ Տարածքում գործում է վանքի պատմութեան թանգարան։

Վերականգնում է իրականացւում է նաեւ աշխարհիկ ճարտարապետութեան ոլորտում։ Մասնակի վերականգնումներ են կատարուել Ամարասի վանական համալիրում։ Ներկայացուել է նաեւ վանքի կառոյցների օգտագործման առաջարկ²¹։

19 Վանական համալիրի եւ հետազօտութիւնն ու վերականգնումն իրականացնում է Ս. Այվազեանը։

20 Պեղումներն իրականացրել է պ.գ.թ. Հ. Սիմոնեանի դեկանաված արշաւախումբը՝ վերականգնուող նարտարապետ Հ. Սահամեանի մասնակցութեամբ։

21 Հեղինակներ՝ նարտարապետներ Գ. Նազլուխանեան, Մ. Տիտանեան։



Նկար 11. Ծիծեռնավանի և կեղեցին՝ վերականգնումից առաջ (1) և յետոյ (2):

Թեղումներ են իրականացուել եւ ընթանում են վերականգնման աշխատանքներ Տողի մելիքական ապարանքում։ Մելիքական ապարանքը գտնւում է Հաղորութիւն վրձանի Տող գիւղում։ Զբաղեցնում է մօտ 0,5 հեկտար տարածք։ Կառուցապատուած է տարաբնոյթ շէնքերով։ Համեմատաբար լաւ է պահպանուել պալատի գլխաւոր մուտքը՝ Մելիք Եգանի ընդունարանը, որ վերականգնում է։ Վերականգնումից հաեւ ի. դարի սկզբին կառուցած գլխատունը²²։ 2009ից ընթացող վերականգնման աշխատանքներն այսօր էլ շարունակւում են եւ ծաւալուն բնոյթ են կրում։



Նկար 12. Ամարասի վանական համալիրը նորոգումից առաջ (1) և յետոյ (2):

Շուշիում վերականգնուել են ոչ միայն պաշտամունքային կառոյցները՝ Սբ. Ամենափրկիչ Ղազանչեցոց եւ Սբ. Աստուածածին՝ Կանաչ ժամը, այլեւ մի շարք քաղաքացիական շէնքեր, ո-

22 Յուշարձանախմբի պեղումներն իրականացրել են պ.գ.ք. Ա. Ժամկոչեանն ու Ֆ. Բաբայեանը, հետազոտող եւ վերականգնող նարտարապետն է Մ. Սարգսեանը։

ըոնք վերաօգտագործւում են որպէս բնակելի շինքեր եւ մշակութային կենտրոններ:



Նկար 13. Շուշիի կերպարունատի թանգարանը.

1. հին շենքի պահպանուած նակատը եւ 2. վերակառուցուած շենքը:

Ճարտարապետական յուշարձանների հետազոտական եւ վերականգնման աշխատանքներին անմիջական մասնակցութիւն ունի նաեւ Երեւանի ճարտարապետութեան եւ շինարարութեան պետական համալսարանի Ճարտարապետութեան տեսութեան, պատմաճարտարապետական ժառանգութեան վերականգնման եւ վերակառուցման, գեղեցիկ արուեստի եւ պատմութեան ամբիոնը: Մեր անմիջական դեկավարութեամբ ուսանողները մասնակցում են յուշարձանների չափագրական աշխատանքներին, կատարում դիմումային նախագծեր: 2011 թուականի բակալաւրի եւ մագիստրոսի աւարտական աշխատանքների միջազգային մրցոյթում յատուկ մրցանակի են արժանացել «Արցախի Տիգրանակերտի վաղքրիստոնեական բազիլիկ եկեղեցու ամրակայում, վերակազմութիւն եւ միջավայրի բարեկարգում» եւ «Վանքասարի վաղքրիստոնեական եկեղեցու վերակազմութիւնը» բակալաւրի աւարտական աշխատանքները: Այսպիսի միջոցառումները լուծում են նաեւ կադրերի պատրաստման խնդիրը:

Պատմաճարտարապետական յուշարձանների հետազոտութեան եւ վերականգնման գործընթացը Լեռնային Ղարաբաղում առաջին քայլերն է անում: Ոլորտը կազմակերպում է ԼՀՀ կառավարութեանն առընթեր զբոսաշրջութեան վարչութիւնը՝ ՀՀ համապատասխան մարմինների անմիջական աջակցութեամբ: Պետական որոշումներով սահմանուել են Ասկերանի, Հաղորդի եւ Մարտակերտի շրջանների յուշարձանների պահպանական գօտիները, առանձնացուել են Շուշիի եւ Ասկերանի շրջաններում գտնուող Յունոտի կիրճի բնապատմական եւ Տիգրանակերտի ու Հաղորդի շրջանի Տողի մելիքական ապարանքի պատմամշակու-

թային արգելոցները։ Սակայն այս գործընթացում քիչ չեն նաեւ խնդիրները։

Աշխատանքների սահուն եւ արդիւնաւէտ իրականացման համար առաջին հերթին խոչընդուռ է Լեռնային Ղարաբաղի հանրապետութեան միջազգային ճանաչման հարցը։ Մշակութային հետազօտութիւնները քաղաքական հարթութիւն տեղափոխելը զրկում է ոլորտին օգտուել միջազգային ինչպէս նիւթական, այնպէս էլ՝ մասնագիտական աջակցութիւնից։

Ցուշարձանների վերականգնման համար բաւարար չեն նիւթական միջոցներն ու ներդրումները։

Վերականգնման գործընթացը շատ յաճախ իրականցնում են ոչ արհեստավարժ մասնագէտներ՝ արդիւնքում վերականգնման եւ շինարարական աշխատանքների որակը երբեմն ոչ պատշաճ մակարդակի է։

Հանրայայտ է նաեւ, որ Լեռնային Ղարաբաղի խնդրի լուծման մէջ կարեւոր դերակատարում ունեն նաեւ պատմաճարտարապետական յուշարձանները, որոնց նորոգումն ու պահպանումը երկրի ռազմավարութեան կարեւոր ուղղութիւններից է։ Աւարտելով՝ վաւերացնում ենք, որ Լեռնային Ղարաբաղում պատմաճարտարապետական յուշարձանների պահպանութեան եւ վերականգնման գործը ընթանում է՝ արձանագրելով յաջողութիւններ, ինչպէս նաեւ կարիք ունի բարելաւման։

ԼԻՒԲԱՅԻ ԿԻՐԱԿՈՍԵԱՆ

Summary

THE PROCESS OF RECONSTRUCTION OF HISTORICAL-ARCHITECTURAL MONUMENTS IN NAGORNO-KARABAKH

LYUBA KIRAKOSYAN

Reflecting on the Armenian Genocide, we subconsciously remember the inhuman slaughter of one and a half million innocent victims murdered in various ways. But there are losses of many monuments as well. Those losses completely correspond to the classification of the cultural genocide adopted by international organizations.²³

This cultural genocide was carried out not only on the whole territory of our historical motherland but also in Soviet and present day Azerbaijan. Policies pursued by the Azerbaijan government against Christian Armenian architectural monument went on in several ways: keeping complete silence in publications, misinterpretation of ethno-cultural and religious identity, deliberate destruction and conversion of monuments, different barbaric actions (explosion, destruction, arson, and using the stones of the monuments as building material), converting Armenian churches into Muslim mosques or other building, covering many Armenian monuments with earth and soil, prohibiting visits and investigation, converting spatial composition, image and identity under the name of reconstruction and preservation.

Before the liberation movement, those devoted to Armenian Studies were deprived of carrying out complex investigation in Nagorno-Karabakh. Today on the already liberated territories the conditions for research, preservation, and reconstruction have become favorable. Investigation didn't begin during military actions but immediately after the liberation of the territories. As a result of a ten-year archeological excavation of the Artsakh expedition²⁴ a number of

²³ Charny, I. W., *Classification of Genocide Categories, Encyclopedia of Genocide*, California 1999, p. 9.

²⁴ Head of the expedition H. Petrosyan, architect L. Kirakosyan, V. Safaryan, A. Jamkochyan, I. Karapetyan, T. Vardanesova

monuments (Tigranakert of Artsakh, early Christian church of Vankasar, monastery complex of Handaberd) have been excavated, properly presented, and taken under state protection. Large-scale reconstruction is carried out in Dadi-vank²⁵ monastery. The complex Tsitsernavank²⁶ is completely archeologically studied and reconstructed. Some secular buildings are being restored. Amaras monastery has been partly reconstructed.²⁷ Excavation and reconstructive work is being carried on in the prince's castle in Togh.²⁸

Not only the buildings of worship (St. Savior Ghazanchetsots and St. John Green Chapel) have been restored, but also some secular buildings have been rebuilt and are now used, such as dwellings and cultural centers in Shushi.

Department of Architectural Theory, Department of Historical-Architectural Restoration and Reconstruction of Heritage, and the Fine Arts and History departments of Yerevan State University of Architecture and Construction take part in reconstruction and preservation of architectural monuments. Under our direct leadership, students take part in measuring work and diploma projects. In 2011, at the international competition of Bachelor's and Master's diploma works, "Reinforcement, Reconstruction and Spatial Improvement of the Early Christian Basilica Church of Tigranakert of Artsakh" was awarded a special prize.

This kind of participation in restoration work can also solve the problems of preparing future scholars. The process of investigation and restoration of the historical architectural monuments in Nagorno Karabakh is taking its first steps. The sphere is organized by the department of tourism in the government of the Nagorno-Karabakh Republic supported by the corresponding organs of the Republic of Armenia. Yet, there are many problems in this sphere. First of all the problem of international recognition of the Nagorno-Karabakh Republic slows down the smooth and efficient performance of the work. The transformation of the cultural question into a political tool frequently deprives the sphere of both international material and skilled specialists. There is lack of restoration material and specialists in both Armenia and Nagorno-Karabakh. The unique landscape of Artsakh also causes complication in restoration as it requires serious material expenses. It is also well known that for the solution of the Nagorno-Karabakh issue, a great role is given to the reconstruction and preservation of historical architectural monuments which is one of the most important goals of the country's strategy.

²⁵ Research and preservation of the monastery complex and church is carried out by S. Ayvazyan.

²⁶ Excavations were carried out by Dr. H. Simonyan, reconstruction architect H. Sana-myanyan

²⁷ Architects G. Nazluhkanyan and M. Titanyan

²⁸ Excavations were carried out by Dr. A. Jamkochyan and F. Babayan, architect M. Sargisyan